





門 試 9
補 12
卷 25

重訂唐王燾先生外臺秘要方第二十五卷目錄

三門 三十一



水穀痢方一十首

水痢方六首

久水痢不差腸垢方四首

冷痢方二十二首

冷痢食不消下方六首

白痢方八首

重下方六首

卒暴冷下部疼悶方二首

冷熱痢方七首

二十五卷目錄

聖余

熱毒痢方三首

熱毒血痢方六首

赤痢方四首

久赤痢方二首

卒下血方七首

血痢方六首

久血痢方三首

蠱注痢方三首

腸蠱痢方一首

膿血痢方七首

赤白痢方六首

久赤白痢方四首

疳痢方六首

久疳痢及久痢成疳方九首

數十年痢方一十一首

休息痢方五首

腹肚不調痢方一首

洩痢不禁不斷及日數十行方三首

下焦^焦虛寒及遠血近血方二首

下痢食完出及上人下出方一首

下痢腸滑方三首

大注痢及赤白困篤腸滑方二首

痢兼渴方二首

許仁則痢方七首

唐王燾先生外臺秘要方第二十五卷

宋朝散大夫守光祿卿直秘閣判登聞鼓院上護軍臣林億等 上進

新安後學程衍道敬通父訂梓

水穀痢方一十首

病源水穀痢者由體虛腠理開血氣虛春傷於風邪氣留連在肌肉之間^內後遇脾胃大腸虛弱而邪氣乘之故爲水穀痢也脾與胃爲表裏胃者脾之府也爲水穀之海脾者胃之藏也其候身之肌肉而脾氣主消水穀水穀消其精化爲榮衛以養其藏^腑充實肌膚大腸肺之腑也爲傳道之

按
頭多
汗本
作頭
多汗

官化物出焉水穀之精化為血氣者行於經脈其糟粕行於大腸也肺與大腸為表裏而肺主氣其候身之皮毛春陽氣雖在表而血氣尚弱其飲食居處運動勞役血氣虛者則為風邪所傷客在肌肉之間後因脾胃氣虛風邪又乘虛而進入於腸胃其脾氣弱者不能剋制水穀故糟粕不結聚而變為痢也又新食竟取風名為胃風其狀惡風頭多汗膈下塞不通飲食不下腹脹形瘦腹大失衣則膈滿食寒則洞泄洞泄者痢無度也若胃氣竭者痢絕即死診其脈小手足寒難療也脈大手足溫易療也下白沫脈沉則生浮則死身不熱脈不懸絕滑大者生懸濇者死以

秋期之也脈絕而手足寒晡時脈還手足溫者生脈不還者死脈緩時小結者生洪大數者死懸絕而濇者死細微而濇者生緊大而滑者死得代絕脈者不死養生方云秋三月此謂容平天氣以急地氣以明早臥早起與雞俱興使志安寧以緩秋刑收斂神氣使秋氣平無外其志使肺氣清此秋氣之應養收之道也逆之則傷肺冬為殭洩又云五月勿食未成核果及桃李發癰瘡不爾發寒熱變黃疸又為洩痢

出第十七卷中

廣濟療赤白水穀冷熱等痢方

地榆 六分

白朮 五分

赤石脂 七分

厚朴 六分

乾薑 六分

熟艾 四分

龍骨 七分

甘草 四分

黃連 十分

烏梅 六分

人參 六分

當歸 五分

右十二味搗篩為末蜜丸以米飲汁服二十九如梧桐

子大日三服加至三十九出第四卷中

忌海藻菘菜猪肉生冷等

集驗論黃帝問曰人若溘洩下痢者何也對曰春傷於風

夏生溘洩腸澼久風亦為溘洩也

又療熱水穀下痢黃連阿膠湯方

黃連

阿膠 炙各二兩

梔子 三十枚

烏梅 二十枚

黃蘗 一兩

右五味切以水七升煮取二升半分為再服神良

備急

忌猪肉冷水

用後名烏梅湯療熱下痢

又方

黃連

一升金色者打碎

陳米 五合

右二味以水七升煮取二升分再服

附後文仲同出第四卷中

忌猪肉冷水

刪繁療中焦熱水穀下痢藍青丸方

藍青 汁三升

黃連 八兩

黃蘗 四兩

阿膠 五兩

白朮

地榆

地膚子

烏梅肉 三兩

右八味搗篩為散用藍汁和微火上煎取可為丸丸如

杏子大飲進三丸

出第四卷中

亦不得停留意猪肉冷水桃李雀肉等

崔氏療水穀痢方

乾薑 三分

雞子 二枚

小豆

二百粒

黃連

三分

右四味，擣篩三味，物內雞子黃白中，熟攪令相得，微火上

炒令可丸，一服五十九，如小豆大，旦以飲服，差即停。

第三卷中

忌食脂膩生冷猪魚蒜葱

用

文仲療因仲夏熱多，令人發水穀痢，腸中鳴轉，一瀉五六升水方。

黃連 去毛

厚朴 各三兩

右二味切，以水三升，煮取一升，頓服之。

出第三卷中

必効療水穀痢方

小豆

一升煮臘二兩煮

右三味和，頓服之，即愈。

又方

檳榔皮

燒灰

右一味研，以水和服三方寸匕。

並出第二卷中

古今錄驗療熱水穀下痢方

黃連

阿膠

各二兩

梔子

二十枚

右三味切，以水七升，煮取二升，分爲三服，忌猪肉冷水

又方

黃連

當歸

甘草

炙各二兩

酸石榴皮

三兩

右四味切，以水三升，煮取一升半，分爲三服。

並出第十卷中

忌海藻松菜猪肉冷水

水痢方六首

廣濟療水痢及霍亂崔氏方同云冷痢食不消化及有白膿日夜無節度但疑是冷悉主之方

白石脂 乾薑 各八分

右二味擣篩為末以沸湯和少許麴薄糊和藥併手捻作丸如食法下不止加乾薑八兩忌如常法

又療水痢腹中氣方

茯苓 八分 白龍骨 八分 訶梨勒皮 八分 黃連 八分 酸石榴皮 八分

右五味擣篩為末蜜丸空心以飲服如梧子大三十九

日二服差止山第四卷中忌猪肉油膩生冷等

文仲療水痢百起者馬蘭散方

馬蘭子 乾薑 黃連 各無分

右三味為散熟煮湯取一合許和二方寸匕入腹即斷冷熱皆治常用神效不得輕之忌猪肉冷水

又方

朽骨灰 牛骨灰 亦得 神麴 膏六日造教令

右三味等分為散空腹飲服一方寸匕無六月六日趨時用常麴亦得御傳並出第三卷中

經心錄主水痢方

雞子 二枚

黃臘 一兩

右二味熬熟食之宜空肚食之日三服生

又方

黃連

倉米 各三兩

右二味作散和雞子七枚令熟併捻作丸煮赤豆作漿粥服三十九日三服若渴但飲豆漿粥並出第二卷中

久水痢不差腸垢方四首

病源腸垢者腸間津液垢膩也由熱痢蘊積腸間虛滑所以因下痢而便腸垢也出第十七卷中

肘後療水下積久不差腸垢已出者方

烏梅 二十枚碎

右一味以水二升煮取一升頓服之

又方

石榴 一枚

右一味合皮搗絞取汁隨多少服之最良

備急療水下積久不差腸垢已出者方

赤石脂

桂心

乾薑

附子

右四味等分搗篩蜜丸如小豆每服三九日三服飲下肘後同出第六卷中

忌猪肉冷水生菜

文仲治久水痢難斷方

黃連 二兩

黃蘗 二兩

阿膠 二兩

右三味搗篩為散以苦酒蜜各半升煎內阿膠令烊又

內諸藥令可丸飲服三九日四此是古方極要

冷痢方二十二首

病源冷痢者由腸胃虛弱受於寒氣腸虛則泄故為冷痢

也凡痢色青色白色黑皆為冷也色黃色赤並是熱也故

痢色白食不消謂之寒中也診其脉沉則生浮則死出第

十七卷中

廣濟療冷痢青白色腹內常鳴其痢行數甚疎出太多此是冷痢宜服調中散方

龍骨

人參

黃連

阿膠

黃蘗

各一兩

右五味搗篩為散煮米飲服兩方寸匕日兩服再差停出

水蘇炙肉粉食

肘後療水下痢色白食不消者為寒下方

黃連

乾薑

各三兩

右二味搗篩欲多作依此法也白酒一升半合煎令可丸飲服如梧桐子大

又方

黃連

二兩

甘草

炙半兩

附子

炮半兩

阿膠

炙半兩

右四味切以水三升煮取一升半分再服之忌猪肉冷水海藻

半夏洗

烏頭炮

梓草炙各等分

又方 右三味搗篩蜜和丸如梧桐子大飲服三九日再服忌猪羊

生薑汁二升

白蜜一升半

右二味相和分再服之已

又方

腥不漫患

乾薑三兩末

右二味以水六升半著米一合煮作糜糜熟內薑一食

今盡不差更作備急同

又方

酸石榴皮燒灰

右一味為末服方寸匕文仲同

又方

乾薑二兩末

雜麴一升

右二味為燒餅熟食之盡更作不過三劑差文仲同

又療純下白如鼻涕者方

龍骨

乾薑

附子炮

右三味等分搗篩蜜和丸如梧子大飲下五九漸至十

九日一服又仲同
急猪肉冷水

又方

黃連末

臘

同膠各一兩

右三味先以酒半升令沸下膠臘合并乃內黃連末頓服之本云姚氏療卒注下並痢血一日夕數十行

又方

灸臍下一寸五十壯良又仲同並出第二卷中

千金論曰凡五藏絕於內者下不自禁下甚者手足不仁也細尋取之萬不失一下病體例累如此耳素問曰春傷於風夏為膿血夏多滯下也夏傷於風秋必洞泄秋下水

患必是冷也

又療久冷痢下純白者此由積臥冷處經久病發遂令脾胃俱冷日夜五六十行大小腹痛不可忍之凡白痢屬冷亦痢屬熱方

上好麴末

五升微熬令香

右一味溫清淳酒熱和麴末一升空腹一頓服之日三若至食時擣蒜一升令至熟下薑椒末調如常食法惟須稠勿加鹽鹽以水和麴二升作索餅極熟爛煮之乾漉熱內蒜薑中相和一頓食之少與餘食至飢時仍準前食麴末酒比至差來少食餘食以此法療不過二日必

差

又烏梅丸療冷痢久下方

烏梅 三百粒

當歸 四兩

乾薑 十兩

桂心 六兩

附子 六兩

黃連 十六兩

蜀椒 汗四兩

細辛 六兩

人參 六兩

黃蘗 六兩

右十味異擣篩合治之苦酒漬烏梅一宿去核蒸之如

五斗米下擣如泥盤中揉令相得蜜和擣二千杵食前

飲服如梧子大十九日三稍增至二十九日此本仲景傷寒論方

又舊療痢於貴勝用健脾丸多效今療積久冷痢先以溫

脾湯下訖後以健脾丸補之未有不效者貧家難以訖力

亦不可將息溫脾湯方療積久冷痢赤白者

大黃 三兩

桂心 三兩

附子 炮

乾薑

人參 各二兩

右五味切以水七升煮取二升半分為三服日再

第十五卷中

此出思猪肉冷水生葱

備急葛氏療痢色白食不消者為寒下方

豉 一升

薤白 一把

右二味以水三升煮取二升及熱頓服之陶效方云療

暴下大去血痢姚療赤白下痢并効肘後同

又方

牛角^肥_{燒灰}

右一味搗篩白飲服方寸匕日三_{肘後同}

又方

好^麴_炒

右一味搗篩煮米粥內^麴方寸匕日四五云此療日百

行師不救者_{肘後同出第六卷中}

古今錄驗白頭翁湯療寒急下及滯下方

白頭翁_{各二兩} 乾薑_{各二兩} 甘草_{炙一兩} 當歸_{一兩}

黃連_{各一兩半} 秦皮_{各一兩半} 石榴皮_{一兩生者二兩}

右七味切以水八升煮取三升分爲四服_{出第十卷中忌海藻松菜猪肉冷水}

近効療冷痢方

肉豆蔻_{五顆合皮碎} 甘草_{二兩炙}

右二味切以水三升煮取一升半頓服之_{戶部李尚書處得云療冷痢極者有効自用得力}

又療久冷痢方

赤石脂搗作末和麴作餠^轉餠^乾空腹服一^碗碗以下不過

兩頓差老人尤佳體中先熱者不可服之_{以上二方新附}

文仲治青下白小薑附散方

乾薑_{附子炮} 皂莢_{炙去子}

右三味等分搗篩爲散飲服方寸匕不過再服即愈亦

可丸服小品附後同

又治冷痢薑艾餛飩子方

乾薑木 熟艾

右二味等分作麩餛飩如酸棗大煮熟服四五十枚日

二服腹脹者炙厚朴煮汁服藥此熱服訖即須食飯大

效曾有產婦冷痢如白膏服之立差腹痛亦定

冷痢食不消下方六首

廣濟療脾胃氣微不能下食五內中冷及微下痢方

白朮八兩 神麩末五兩 甘草炙

乾薑 以實炙 各

又出卷八
脾胃弱不
能食門

右五味搗篩蜜和丸空腹以溫酒服如梧子大二十

丸日二服漸加至三十九腹中痛者加當歸出第四卷

文仲華佗治老小下痢柴立不能食食不化入口即出命

在旦夕久痢神驗方

黃連末半雞 亂髮灰準上 淳苦酒準上

蜜準上 白臘方寸匕 雞子黃一枚

右六味於銅器中炭火上先內苦酒蜜臘雞子黃攪調

乃內黃連末髮灰又攪煎視可搏博出為丸久困者一日

一夜盡之可者二日盡之附後同出第三卷中

延年增損黃連丸主腹內冷食不消及冷痢兼補方

黃連

黃耆 各三分

龍骨 三分

當歸

甘草 炙五分

乾薑

厚朴 炙各六分

地榆

白朮

人參 各一分

右十味搗篩蜜九如梧子大飲酒任下服十五丸日再

服加至二十九

蕭仲瑋處
忘猪肉冷水桃李雀肉生葱海藻松菜

又地榆丸主冷痢不消食腹中脹痛氣滿不能食方

地榆 六兩

赤石脂 七分

厚朴 炙六分

白朮 五分

乾薑 六兩

龍骨 七分

黃連 十分

當歸 五分

熟艾 五分

烏梅肉 六分

熬甘草 四分

右十一味搗篩蜜和丸如梧子大飲服二十九日二服

加至二十五丸

此中第七卷中
忘猪肉冷水海藻松菜生冷油膩桃李雀肉等

又吳茱萸師療冷痢下膿血絞臍痛食不消腹脹方

吳茱萸

乾薑 各六分

赤石脂

熬麴末 八分

厚朴 炙

當歸 各四分

右六味搗篩蜜和丸如梧子空腹以飲下四十九日冉

又療冷氣久痢臍下痛出白膿食不消方

吳茱萸

人參

芎藭

桔梗

甘草 炙各四分

枳實 炙各三分

乾薑 十二分

附子 炮八分

炒麴末 二十分

右九味搗篩蜜和丸如梧子空腹飲下七丸日二服漸

加之文仲云溫脾丸療久寒氣逆脹滿面目痿黃食不消化

白痢方八首

病源白滯痢者腸虛而冷氣客之薄於腸間津液凝滯成

白故為白滯痢出第十七卷中

廣濟療白膿痢方

甘草六分

厚朴十二分

乾薑

枳實炙

茯苓各八分

右五味切以水五升煮取一升六合絞去滓分為二服

日再服忌生冷油膩小豆粘食海藻菰菜醋物等

又療心腹脹滿不能下食及痢白膿方

厚朴五兩

豆蔻五兩

甘草一兩

乾薑一兩

右四味切以水五升煮取一升五合絞去滓分為二服

日再此出第四卷中

千金大桃花湯主冷白滯痢腸痛方

赤石脂八兩

乾薑

當歸

龍骨各三兩

附子炮

牡蠣各二兩

芍藥

甘草各一兩

人參一兩

白朮一升

右十味切以水一斗二升煮白朮取九升內藥煮取三

升分為三服膿者加厚朴三兩嘔者加橘皮二兩忌桃李

又方雀肉海藻菰菜猪肉冷水等

龍骨 六兩

厚朴 三兩

赤石脂 五兩

當歸 一兩

右四味切以水七升煮取二升半分為三服日再服熱加白頭翁十分牡蠣三兩

延年烏梅肉丸主冷白膿痢食不消方

烏梅肉 熬

熟艾

黃蘗

甘草 炙各八分

右四味搗篩蜜九如梧子以飲服十五九日三服忌同前出第七卷中

必効白痢方

麻子汁

右一味以汁煮取葉豆空腹飽服極効

又方

黃連末

右一味以水和每服三匕即愈出第一卷中

古今錄驗療白滯下晝夜無復數龍骨湯方

龍骨

牡蠣 各三兩

烏梅肉

熟艾

白頭翁

乾薑 各一兩

女萎

黃連

當歸 各二兩

甘草 六兩

右十味切以水七升煮取三升二合分服日三夜一斷

便止忌同前

出第十卷中

重下方六首

海藻薤菜猪肉水

病源此謂今赤白滯下也令人下部疼重故曰重下去膿血如雞子白日夜數十行繞臍痛也出第十七卷中

肘後療重下方

黃連 一升切

右一味以酒五升煮取一升分溫再服臍當小絞痛則差

又方

鼠尾草

右一味以濃煮煎如薄飴糖服五合至一升日三赤下用赤花者白下用白花者佳也文作衛急同

列仲隱居効驗方主下部絞痛重下下赤白方

當歸

黃蘗

黃連

乾薑

各二兩

右四味搗篩煮取烏梅汁服方寸七日三若腹中絞痛加當歸下赤加黃連下白加乾薑大効神良秘之傳急同出思猪肉

第三卷中

備急療重下方此即赤白痢下也令人下部疼重故名重下葛氏方

豉

熬令少焦

右一味搗服一合日再三服無此又熬豉令焦水一升淋取汁服冷則用酒淋日三服之肘後文仲同出第六卷中

古今錄驗重下下赤者方

取獺赤糞

下白取白糞燒末

右一味以飲清旦空腹服一小杯三旦飲之即愈

又療得毒病後得重下赤白絞痛方

石鍾乳

一兩研

黃連

防風

附子

炮

黃蘗

蜀椒

汗

當歸

乾薑

各二兩

右八味切以水六升煮取二升半分三服適寒溫服

出

第十卷中

卒暴冷下部疼悶方二首

千金療卒暴冷下部疼悶方

燒磚令熱大酢沃之三重布覆坐上取差

又方

黍米

二升

臘

羊脂

膠

炙各二兩

右四味合煮作粥一頓令盡即差

並出第十五卷中

冷熱痢方七首

病源夫冷熱利者由腸胃虛弱宿有寒而為客熱所傷冷

熱相乘其痢乍黃乍白是也若熱搏於血血滲腸間則變

為血痢也而冷伏腸內搏津液則變凝白則成白滯亦變

赤白痢也其湯熨鍼石別有正方補養宜導今附於後養

生方導引法云泄下有寒者微一作引氣以息內腹徐吹

外臺秘要

二十五卷

七

經餘居

息以鼻引氣氣足後前卽愈其有熱者微呼以去之也出

第十七卷中

刪繁療下焦焦冷熱不調暴下赤白痢香鼓湯方

香鼓一升 白朮六兩 薤白切一 蜀升麻二兩

右四味切以水七升煮取二升半分爲三服中

古今錄驗生春石榴將療熱不調下或滯或水或赤白青

黃者方

酸石榴五枚

右一味合殼舂絞取二升汁分服五合稍稍服二升盡卽斷小兒以意服二三合佳千金同出第十卷中

又深師無問冷熱新舊痢方

黃連 黃蘗 乾薑 甘草炙

艾三月三日者熟 烏梅肉熬各八分 附子三枚 臘一雞子大

右八味擣篩以蜜和臘於鑪中鎔之其著蜜須候臘鎔盡如乾益蜜九空腹以飲服四十九日二漸加至五六

十九忌海藻菘菜猪肉冷水

近効療痢無問冷熱神驗黃連丸方

黃連一兩 茯苓二兩 阿膠一兩炙

右三味先擣黃連茯苓爲末以少許水鎔阿膠和爲丸衆手丸之暴乾量患輕重空腹以飲下三四十九漸漸

二十五卷 經餘居

加至六十九不過五六服必差常用之極効

又療苦下無問冷熱及膿血痢悉主之方

生犀角屑

黃蘗

各二兩

黃連

苦參

各三兩

右四味搗篩為散以糯米煮作飲莫令生每日空腹服一方寸匕日再服便差勿輕之此方於度支王郎中處得曾用極効時後有當歸云庾侍郎家方產後彌佳

崔氏治痢無問冷熱赤白久新并疳溫

劉秘監積年患痢每服此即愈方

阿膠

二兩一兩藥一兩鋪作清入

吳黃連

一兩

乾薑

二兩

入黃無食子

一枚久痢腸滑甚者量加至三四枚

右四味搗篩為末以醋鎔膠清頓和丸如梧子飲服二

十五丸日再漸加至三十丸老小者以意斟酌禁如常法一云若冷痢以酒下熱痢以粥飲下出第三卷中

文仲至黃芩各六分紀本脫一葉

文仲治無問冷熱及五色痢入口即定方

黃連

四分

黃蘗

當歸

黃芩

各二兩

阿膠

二兩炙

熟艾

一兩

右六味搗篩為散以醋二升煮膠烊下藥煮令可丸如大豆飲服七八十九日二夜一服特宜老人若產婦痢加蒲黃一兩蜜和為丸神驗出第三卷中

熱毒痢方三首

時後若下色黃者協毒熱下也療之方

梔子十四枚去皮

右一味擣篩蜜和凡如梧子飲服三九日再服出第二卷中

千金療熱毒痢方

苦參 橘皮 獨活 阿膠炙

藍青 黃連 鬼箭羽一云黃蘗

甘草炙

右九味等分擣篩以蜜烱膠和併手丸如梧子乾以飲服十丸日三稍加之卒下症痢者大良出第十五卷中

文仲治熱痢久不差者黃連丸方

黃連末以雞子白和丸如梧子飲服十丸至二十丸

日三

熱毒血痢方六首

廣濟療熱毒痢血其痢行數甚數痢出不多腹中刺痛此是熱痢宜生犀角散方

生犀角末 酸石榴皮熬 枳實 熬令黃各三兩

右三味各異擣篩為散以飲服兩三寸七日再差停熱食物

又療熱毒痢血片臍下絞刺痛方

升麻 地榆 茜根 黃芩各六分

犀角四分 生地黃八分 梔子七枚 薤白八分

香豉二合 綿裏

右九味切以水六升煮取一升五合絞去滓分溫三服日再並出第四卷中 忌諸熱物

千金大熱毒純血痢療不可差者方

黃連 六兩

右一味切以水七升煮取二升半夜露著星月下且空腹頓服之卧將息不差加黃連二兩更作服之仍不差者以瘡痢法療之佳忌如常法

又療熱毒下黑血五內攪切痛日夜百行氣絕欲死方

黃連 一升

龍骨

白朮 各二兩

阿膠 炙

乾薑

當歸

赤石脂 各三兩

附子 一兩 炮

右八味切以水一斗煮取五升分爲五服余以正觀三年七月十二日忽得此痢至于五日將絕處此藥入口

卽定並出第十五卷中 忌猪肉冷水桃李雀肉

古今錄驗療熱毒下血及豆汁犀角煎方

犀角 屑

人參

當歸 各三兩

黃連 四兩

蜜 一合

右五味切以水五升煮取一升去滓內蜜煎三沸分爲三服日三忌同並出第十卷中 猪肉冷水

文仲治熱毒痢血犀角散方

生犀 三兩

石榴皮 三兩 黃連 三兩

乾藍 二兩

地榆 二兩

右五味擣篩為散以米飲服三方寸七日二服 出第三卷中

赤痢方四首

病源此由腸胃虛弱為風邪所傷則成痢挾熱熱乘于血則血流滲入腸與痢相雜下故為赤痢也 出第十七卷中

集驗療下赤痢方

秫米 一把

鯽魚鮓 二觔 薤白 一虎口

右三味合煮如作粥法噉之 古今錄驗同出第四卷中

千金療赤帶下方

成煎猪膏 三合

清酒 五合

右二味以緩火煎十沸適寒溫頓服之取差止

又論曰凡痢病通忌生冷酢滑猪雞魚油乳酪酖乾脯醬粉醢食所食諸食皆須大熟爛為佳亦不得傷飽此將息之大經也若將息失所聖人不救也 並出第十五卷中

必効療赤痢方

香淡豉 半升

黃連 一兩

右二味以水一升半浸豉一日濾取汁碎黃連薄綿裹豉汁中煎取強半升空腹頓服即止 桑泉蔣尉云効出第二卷中

流滲至取
屋塵水盡
紀平脫一

崔氏治赤痢黃連丸方

陳倉米 四分

黃連 四分

乾薑 四分

右三味搗篩為末，緩火炒令色變，以內二顆雞子白中熟和，丸如梧子大，空腹服五十九，以好無灰酒溫一盞下之。至晚間痢赤色當變白，明旦即差。出第三卷中更服如前

久赤痢方二首

病源久赤痢者，由體虛熱乘於血，血滲腸間，故痢赤。腸胃虛，穀氣衰，蟲動侵食，則變為膿也。出第十七卷中 千金療下赤連年方

地榆

鼠尾草 各一兩

右二味切，以水二升煮取一升，分為二服。如不差，取屋塵水盡去滓，服一升，日二服。古今錄驗服屋塵汁一小盃，餘同。此是徐平方療下血二十年者，若不止，重服即愈。肘後同

又方

鼠尾草

薔薇根

秦皮 用樹皮亦得

右三味等分水淹，煎去滓，以銅器重釜煎成丸，如梧子服五六丸，日三稍增，差止。亦可濃汁服半升。出第十五卷中

卒下血方七首

深師治卒下血晝夜七八行方

黃連 各四兩

右二味切以淳苦酒五升煮取一升半分爲二服亦療

下痢忌猪肉冷水

又療卒下血蒲黃散方

蒲黃 三合 當歸 一兩 鹿茸 一枚燒

右三味擣篩爲散飲服方寸匕先食日三並出第一十六卷中

集驗療卒下血不止方

草龍膽 二兩

右一味切以水五升煮取二升半欠爲五服如不差更

服出第四卷中

葛氏療卒下血方

小豆 二升

右一味擣碎水三升和絞取汁飲之姚云立止

又方

黃連 半兩 黃蘗 二兩 梔子 二七枚

右三味切以酒二升漬一宿去滓煮三沸頓服之並出第十卷中

六卷中

崔氏治卒下血不止方

龍突中塵 一升 黃連 五兩

地榆 三兩

右三味搗篩為散粥飲服方寸七日再服重者夜一

近効治卒下血

不問丈夫婦人立効

牛角鰓鰓一具燒赤色出火即青碧黑灰散方

右一味為細散食前濃煮豉汁和二錢七重者日三神驗

血痢方六首

病源血痢者熱毒乘於血血滲入大腸故也血之隨氣循環經絡通行臟腑常無停積毒熱氣乘之遇腸虛者血滲人於腸腸虛則洩故為血痢也身熱者死身寒者生診關上脉芤大便去血暴下血數升也出第十七卷中

濟療血痢黃連丸方

黃連

白龍骨炙

禹餘糧

伏龍肝

各八分

代赭

研

乾薑

各六分

右六味搗篩蜜和丸飲服三十九如梧子漸加至四十丸差止忌猪肉冷水熟食

又療痢鮮血方

黃連

黃連

地榆

各八分

梔子

十四枚

薤白

切

香豉

各八分

犀角

屑六分

右七味切以水八升煮取二升分為三服日再

出第四卷中

必効療患熱血痢方

梗米 一升研

右一味研碎令米盡取汁可一大升於新磁瓶中盛取油稍密閉頭繫內著井水中令至明飲之傳與人無不差者出第二卷中

古今錄驗療血痢及膿血方

黃連 三兩

右一味切以清水三升漬一宿旦煎取一升半去滓分

為二服服令須臾盡文仲同忌猪肉冷水

又療下痢鮮血方

乾地黄 犀角 骨 地榆 各二兩

右三味搗篩蜜丸如彈子大每服一丸水一升煎取五合去滓溫服之

又療下血痢地膚散方

地膚 五兩 地榆根 黃芩 各二兩

右三味搗篩為散以水服方寸七日三並出第二卷中

久血痢方三首

病源此由體虛受熱熱折於血血入腸故成血痢熱不歇胃虛不復故痢血久不差多變嘔噦及為濕壅出第十七卷中

崔氏療痢血數十年方

石灰 三大升煅令黃

右一味以水一斗攪令澄清一服一升三服止出第三卷中

黃連 半斤

右一味擣末以雞子白和為餅子微火炙令黃黑復擣篩服方寸七日三有效下清血癢黃失色醫不能療者皆差肘後同 忌猪肉

文仲治七八十老人患積病不斷兼不能飲食方

上黨人參 四分 鹿角 去皮取白一作末 煨令黃

右二味擣篩為散平旦以粥清服方寸七日再並出第三卷中

蠱注痢方三首

病源此由歲時寒暑不調則有濕毒之氣傷人隨經脉血氣漸至於藏腑大腸虛者毒氣乘之毒氣挾熱與血相搏則成血痢也毒氣侵食於藏腑如病蠱注之狀痢血雜膿瘰黑有片如雞肝與血雜下是也出第十七卷中

肘後療苦時歲蠱注毒下者方

礬石 熬二兩 乾薑 附子 炮 黃連 各二兩

右四味擣篩為散以酒服方寸七日三不止更服忌猪肉冷水

又方

黃連 黃蘗 等分

右二味擣末蜜丸如梧子大飲服十九日四服忌猪肉冷水 並出第三卷中

古今錄驗療純痢血如鵝鴨肝并協協蠱毒方

茜根

升麻

犀角

桔梗

黃蘗

黃芩

各三兩

地榆

蘘荷根

各四兩

右八味切以酒三升漬一伏時服一升日一服千金同未差更

腸蠱痢方一首

病源腸蠱痢者冷熱之氣入在腸間先下赤後下白連年不愈侵傷於藏腑下血雜白如病蠱之狀名為腸蠱也出第十七卷中

肘後凡痢下應先下白後下赤若先下赤後下白為腸蠱

方

牛膝三兩搗碎以酒一升漬經宿每服一兩杯日二

三服姚同出第二卷中

膿血痢方七首

病源夫春陽氣在表人運動勞役腠理則開血氣虛者傷於風至夏又熱氣乘之血性得熱則流散也其遇大腸虛而血滲入焉與腸間津液相搏積熱蘊結血化為膿腸虛則泄故成膿血痢也所以夏月多苦膿血痢者腸胃虛也秋冬診其脾脉微濇者為內潰多下血膿又脉懸絕則死滑大則生脉微小者生實急者死脉沉細虛遲者生數疾

大而有熱者死出第十七卷中

肘後療熱病久下痢膿血藥皮湯方

黃蘗三兩

梔子二枚

黃連四兩

阿膠炙二兩

右四味切以水六升煮取二升分爲三服又一方加烏

梅二十枚文仲同出第二卷中

文仲治熱痢及下黃赤水及黃膿血四肢煩皮上冷者方

黃連八兩

熟艾一兩

黃蘗四兩

黃芩三兩

右四味搗搗法篩爲末以黃臘二兩安一升蜜中煮令消及

煖和藥白飲服六七十丸如小豆日二夜一即驗

又下痢膿血方

赤石脂

烏梅二十枚

乾薑

四片

粳米一升

右四味切以水七升煮取令熟藥成服七合日三肘後

出第三卷中

刪繁療下焦熱或痢下膿血赤石脂湯方

赤石脂八兩

烏梅二十枚

梔子十四枚

白朮

蜀椒汗

升麻各三兩

乾薑二兩

粟米一升

右八味切以水一斗二升煮米熟去滓取七升下諸藥

煮取五合服之仙第四卷中

備急葛氏云若挾熱者多下赤膿雜血方

黃連

竈突中塵各半兩

二十五卷

經餘

右二味末之酒服方寸七日三服時後云以棗膏和分作三九日服一丸

氏同出第六卷中

古今錄驗療腸辟瘡便膿血乾薑散方

乾薑

黃連

桂心 各一分

右三味搗篩服方寸七著棗中食日三多膿加薑多血

加桂有驗忌猪肉冷水生葱

又療中寒下痢膿血附子散方

蜀附子 一枚

麴

乾薑 各三分

右三味下篩爲散先食以酒服方寸七日二并療婦人

漏下忌妊前並出第三卷中

赤白痢方六首

病源凡痢皆由榮衛不足腸胃虛弱冷熱之氣乘虛而人

客於腸間腸虛則泄故爲痢也然其痢而赤白者是熱乘

於血血滲腸內則赤也冷氣入腸搏於腸間津液凝滯則

白也冷熱相交故赤白相雜重者狀如膿涕而血雜之輕

者白膿上有赤脉薄血狀如魚腦世謂之魚腦痢也出第十七

卷中

文仲鹿茸散治青黃白黑魚腦痢日五十行方

鹿茸 二分

石榴皮

兩分

乾薑 二分

棗核中人 枚

赤地利

一兩燒作灰

服後云

赤蜀如三指

右五味擣篩為散先食飲服方寸七日三夜一若下數者可五六服附後同

小品空久赤白不方

燒馬屎一九作灰分服酒水隨意服已試良附後同

深師療赤白下者黃連湯方

黃連 黃蘗 乾薑 石榴皮

阿膠炙各三兩 甘草炙一兩

右六味切以水七升煮取二升為三服日再急海藻松葉猪肉冷水

延年駐車丸主赤白冷熱痢腹痛方

黃連六兩去皮 乾薑 二兩 當歸 三兩 阿膠炙三兩

右四味擣篩三年酢八合消膠令鎔和餅手九如大豆以飲服三十九口再肘後同出第七卷中

救急療赤白痢無問新舊入口即斷方

香豉心豉心謂合豉其中心者熟而且好不是去皮取心勿浪用之

右一味以取豉燂令乾香擣為末壯大年者一大升豉心

為四服小兒量與之出第九卷中

必効主赤白痢方

黃連 二兩 阿膠 四片

右二味以好酒二大升合黃連煎十五沸漉出滓然後

內膠令烱溫分三服出第二卷中

外臺秘要 二十五卷 經餘居

久赤白痢方四首

病原久赤白痢者是冷熱乘於血血滲腸間與津液相雜而下甚者腸虛不復故赤白連滯久不差也凡痢久不差脾胃虛弱則變嘔噦胃弱氣逆故嘔也氣逆而外有冷折之不通故噦亦變為噤蟲食人五藏也三月九蟲常居人腸胃腸胃虛則動上食於五藏則心懊懣而悶齒斷唇口並生瘡下食於腸則肛門傷爛而穀道開也輕者可治重者致死出第十七卷中

崔氏馬蘭子散療赤白痢腹內疴痛并久水穀痢色白如泔澱悉主之極重者不過三四日必差方

馬蘭子

一升

地榆根皮

八分

厚朴

八分

熟艾

八分

赤石脂

一升

龍骨

十分

扶苓

十分

當歸

十分

白飲服

出第三卷中

右八味

搗

篩為散

一服方寸七

加至四五七

日再夜一

白飲服

出第三卷中

文仲療赤白痢五六年者方

燒大荆

擘

大者

右一味

取瀝服五六合

即差

肘後同

又卒腹痛下赤白數日不絕方

雞子

一枚

取黃

去白

胡粉末

今滿

殼

燒

右二味

以酒服之

肘後同並出第三卷中

近効療赤白痢日數十行無問老小方

甘草 二兩炙

右一味切以漿水四升煮取一升去滓頓服之

疳痢方六首

必効療冷疳痢方

取莨菪子 熬令黃色

右一味擣爲末和臘月猪脂更擣令熟爲丸綿裹如棗許大以內下部中因痢出卽更內新者不過三度卽差第

二卷中

古今錄驗療五疳蒸下痢方

苦參 三兩

青箱

甘草 炙各三兩

右三味切以水四升煮取二升半分三灌卽愈凡蒸但

服生地黃汁卽差忌海藻菘菜

又方

青黛

丁香

黃連 各等分

右三味擣篩用甘泔淀和爲丸口中有瘡含之若下部有瘡以綿裹內下部日服五六十丸含之令下差

又方

丁香

麝香 別研

石黛

石鹽鹽

山榆人

小藥皮

桂心

乾薑

小臺必更

二十五卷

三

經餘

通按
山榆人
錯誤

青礬石燒

頭髮灰

右十味搗為散著瘡上乾者和臘月猪膏煖著療時行病後食羊肉及肥膩或酒或房而得久蒸絡變為瘡必須攻下部不可輕之无忌生葱

又療疳濕痢方

青葙

雄黃研

石硫黃研

燕蕒

雷丸各二兩

苦參

狼牙各三兩

藜蘆一兩炮

右八味搗篩為散取如杏人大內下部中忌生葱狸肉又療疳濕痢神効方

黃連三兩

零陵香一兩半犀角屑一兩

丁香三十枚

麝香一大豆

牛黃一大豆許

右六味以水洗黃連零陵香丁香澄取清水去滓更以水添滿九升內黃連零陵丁香犀角煮兩沸然後著牛黃麝香煎一沸取一升分作三服如一日服不盡二日服吳澤師以九升先以一升煮添盡九升取一大升分服又得思三服並出第十卷中久疳痢及久痢成疳方九首

廣濟療久患疳痢不差兀子礬散方

兀子礬八分

麝香二分

吳白礬六分雲母粉五分

桂心二分

龍骨六分

無食子七分黃連八分

右八味搗篩為散空腹以生薑汁和三錢七服日再煮

薑湯下亦得忌生菜熱麪猪魚葵笋炙肉生葱蒜酢冷水

又療積年疝痢羸瘦面色痿黃方

石硫黃研

黃連

各一兩

艾

蜜一升

右四味以水二升先煮黃連艾取半升後內石硫黃末

更煮三五沸即絞去滓又內蜜更煮三五沸下分爲三

服並出第四卷中

必効療積久痢成疝灌方

檮根

一握淨洗剥白皮擣絞取汁三合取時勿令見風日

麻子脂

二合燒如車脂

酢泔淀

二合

椒四分

豉二合

右五味以水六升取椒豉和煎絞取汁二升和檮汁麻

油泔淀等三味分爲兩分用一分灌隔一日更取餘者

復灌其藥欲用時溫溫即得

忌酒肉油麵雞猪魚醬酒唯食煮飯葱白爛煮羹菜等五六十日外鹿脯多

誤較通字疑

又療痢初較後膿血或變純白或成魚腦五十日以上或

生羊肝一具

右一味取大酢一年以上者米麥並中年深者佳取羊

肝則去上膜柳葉切朝旦空腹取肝手拈取酢中出吞

之覺心悶則止不悶還服之一日之間能不食粥飯盡

一具羊肝者大佳不然除飽吞已外料理如生肝以薑

薑下飯如常法食之日食一具肝不過二三具即永差

後一月不得食熱麵油膩醬猪魚雞肉等

又療疳痢久不差羸瘦著牀欲死方

新出羊糞

一升淨數揀

右一味以水一升漬經宿明且絞汁頓服之極重者不

過三服

又療疳法丈夫婦人小兒久痢百方療不能差此方最效

丁香

麝香

黃連

各等分

右三味擣篩為散以杏核大取竹筒吹入下部小兒取

核子量力減之不過三四廻差積年久疳痢不差蔡光

州云常用奇効備急同並第三卷中

又療久痢變成疳下部竅生惡瘡惡寒壯熱者方

桃白皮

切一升

槐白皮

亦一升

苦參

切五合

艾

者三月三日者五合熟

大棗

十枚破

右五味以水五升煮取二升半去滓內熊膽棗許大攪

令勻取二升灌下部餘三分服

近効新附療久痢及疳痢諸方不差者此方必効

揀楞根白皮

不拘多少當取時不宜見狗及風

右一味細切擣如泥取細麵麴捻作餛飩如小棗勿令破

熟煮吞七枚重者不過七八服皆空腹服之忌油膩熱麪

又疳痢曉夜無度者方

夕雲和少嬰
三考
絲魚居

取枵根濃汁 一雞子壳許

右一味以和粟米泔一雞子殼許灌下部再度即差其驗若神小孩兒減半用之醫人褚球錄上

數十年痢方一十一首

千金療下痢丸主數十年痢下下氣消穀令人能食夏月長時服之令人不霍亂方

黃連 黃蘗 桂心 附子炮 大麥藥 一升

乾薑各三兩 吳茱萸四兩 蜀椒汗半 麴一升

烏梅二升

右丸十味搗篩蜜和食已飲服如梧子十九日三服至二

十九亦可至三十九忌猪肉冷水生葱等

又療數十年下痢消穀下氣補羸烏梅肉丸方

麴好者一升炒熟 附子炮二兩 大麥藥 一當歸三兩

桂心三兩 黃連 吳茱萸 烏梅肉熬令燥

乾薑各四兩 蜀椒汗一兩

右十味搗篩蜜和丸如梧子食已飲服十九日三忌猪肉冷水生葱等

又四續丸主三十年疰痢骨立萎黃腸滑不療方

雲實五合 蠟白者五兩 附子炮二兩 女萎三兩

龍骨二兩

右五味搗篩爲末以蠟煎炸以丸藥如梧子飲服五丸

外臺祕要 二十五卷 經餘居

日三不過五六服必差其雲實熬令香千金名臘煎丸

又療三十年下痢所食之物皆不消化或青或黃四肢沉重起即眩倒骨肉消盡兩足逆冷腹中熱苦轉筋起止須人扶陰冷無子椒艾丸方

赤石脂二兩熟艾一升 乾薑三兩 蜀椒三百枚汗

烏梅三百枚醋浸剝取肉

右五味先擣篩薑椒為末將熟艾梅肉著一斛酒飯下蒸令飯熟內乾薑椒末赤石脂末合擣三千杵蜜和丸如梧子飲服十九日三不差至二十九加黃連一升艾一斤忌猪肉冷水等物

又療三十年痢不止方

厚朴炙 乾薑 阿膠炙各二兩 黃連五兩

石榴皮 艾葉各三兩

右六味切以水七升煮取二升分再服忌猪肉冷水

又療積久三十年常下神効方

赤松木皮去上蒼皮二斗

右一味為散麴粥和一升服之日三即止不過服一斗

永差秘方三十年痢百日服差良並出第十五卷中

古今錄驗療三十年歲寒下及霍亂諸藥所不能療并腸滑若是蠱症所中方

蓼子

艾屑各一升

龍膽

續斷

白朮

各三兩

蜀椒汗

附子炮

桂心

苦參

乾薑

甘草炙

鼠尾草

各二兩

右十二味，搗篩蜜和，一歲兒服一九，如梧子，三歲兒服

二九，五歲兒服三九，大人服五九，飲下，療寒熱氣，福福

在胃中，卒氣痛，繞臍，神良。思桃李雀肉生葱猪肉冷水海狗菜

廩丘公療下痢三十年方

茯苓

乾薑

黃連等分

右三味，搗篩為散，蜜和，丸如梧子，飲服之，一日漸增至

百九若，痢劇者，加龍骨、附子炮等分，一服十九，漸增之。

以知為度。思猪肉冷水醋物等

又當歸湯療三十年下痢止諸痛方

當歸

一兩

生薑

八兩

大棗

二十枚

右三味，以水四升，煮取一升半，分作三服，不差復作之。

又云：吾患痢三十餘年，諸療無效，唯服此方得愈也。安石

榴湯療大疰痢及白帶困篤欲死，腸已滑，醫所不能療方。

乾薑

二兩生

黃蘗

一兩細切

石榴

一枚小

阿膠

二兩別研漬之

右四味切，以水三升，煮取一升二合，去滓，內膠，令烊，頓

服，不差復作，療老小亦良。人羸者稍稍服之，不必頓盡。

須臾復服石榴，須預取之。

肘後同，一方無黃蘗用黃連，並出第二卷中

又深師療久痢方

龍骨

赤石脂

無食子

各六分地榆 三分

熟艾

三月者良

橡子

黃蘗

各五分

右七味搗篩蜜和丸如梧子空腹飲服四十五丸日二服稍加至六十丸

休息痢方五首

病源休息痢者胃管有停飲因痢積久或冷氣或熱氣乘之氣動於飲則飲動而腸虛受之故為痢也冷氣熱氣調其飲則靜而痢亦休也腸胃虛弱易為冷熱其邪氣或動或靜故其痢乍發乍止謂之休息痢也

出第十七卷中

痢後療休息痢方

黃連

切

龍骨

如鴨子大一枚膠 如掌大炙

熟艾

一把

右四味水五升煮三物取二升去滓乃內膠膠烱分再服濃煮乾艾葉亦佳又當煮忍冬米和作飲飲之

忌猪肉冷水

又方

乾地榆 一斤

附子 一兩炮

右二味以酒一斗漬五宿飲一升日三服盡更作

忌猪肉冷水

又方

龍骨

四兩

右一味搗如小豆以水五升煮取二升半冷之分為五

通按
前有揚
骨灰此
云大骨
不卜何
骨前云
牛骨亦
得或著
猪年皆
可

服又以米飲和為丸服十九

文仲同並出第二卷中

文仲葛氏若久下經時不愈者此名為休息下療之方

取大骨

右一味炙令黃焦擣篩飲服方寸七日三愈

肘後備急同

胡洽麴藥丸療數十年休息痢下不能食消穀下氣療虛

羸方

麥藥煨熟

七月七日各一升

附子炮

桂心

烏梅肉各二兩

人參

茯苓各四兩

右七味擣篩蜜和為丸如梧子食前飲服十九日三稍

稍增之

肘後備急同並出第三卷中
忌猪肉冷水生葱大酢

腹肚不調痢一首

廣濟療冷熱不調痢膿水方

人參

乾薑

枳實炙各四分

厚朴炙

龍骨

赤石脂

黃連

苦參各六分

黃芩五分

右九味擣篩蜜丸空腹以飲服如大豆十五丸日二漸

加出第三卷中
服者亦得

洩痢不禁不斷及日數十行方三首

集驗結腸丸療熱毒下不斷不間久新悉療之方

苦參

橘皮

獨活

阿膠炙

芍藥

乾薑

黃藥

甘草

鬼白 各四分

右九味搗搗篩蜜與膠共烱以和丸併手捻作丸如梧子

暴燥以飲服十九日三不知稍加此方亦療諸症下及

卒下悉効建忌海藻菰菜等

又理脾丸療脾滑胃虛弱洩下不禁飲食不消雷鳴絞痛

方

附子 炮一兩

蜀椒 汗一兩

桂心 二兩

赤石脂

黃連

人參

乾薑

茯苓

大麥藥

陳麴 炒熟

石斛

當歸 各二兩

手紙裂

鍾乳 三兩研

右十三味搗篩蜜和以酒服十九如梧子日三稍稍加

之出第四卷中忌猪肉冷水生葱酢

文仲療五勞及飽食房室傷胃令人大便數至濶而不能

便日數十行劇處者下血并婦人產後餘疾腹絞痛方

附子 一枚炮

右一味以豬脂如雞子黃大煎附子裂為候削去上黑

皮搗篩蜜和丸先食服如大豆三九日三稍加可至十

丸當長服之永不痢出第三卷中忌猪肉范汪同

下焦虛寒及遠血近血方二首

崔氏療下焦寒損或先見血後便此為遠血或痢不痢伏龍肝湯方

伏龍肝

研

五合

甘草

炙

一兩

乾地黄

兩

燒髮灰

合

二

黃芩

牛膝

乾薑

生梔皮

炙

阿膠

炙

各二

右九味切以水七升煮七物取三升去滓下阿膠更煎

取烱乃下髮分作三服忌海藻菰菜蕪荑

又療下焦虛寒損或前便轉後見血此為近血或痢下或不痢好因勞冷而發續斷湯方

續斷

當歸

桔梗

阿膠

炙

桂心

炙

各三

乾薑

乾地黄

芍藥

炙

各四

蒲黃

一升

甘草

炙

二兩

右十味切以水九升煮八物取三升五合去滓下阿膠更烱膠取沸下蒲黃分為三服

下痢食完出及上入下出方一首

炮汪溫中湯療寒下食完出方

甘草

炙

乾薑

炙

各三

蜀椒

八十

枚

汗

去

附子

一枚

炮

四破

右四味切以水二升煮取一升分為再服若嘔內橘皮半兩小與老皆取服之良

出第十五卷中
忌海藻菰菜豬肉冷水

下痢腸滑方三首

范汪苦酒白丸療赤白帶下腸已滑日數十行者方

女萎

半夏

洗各二兩

附子

炮

藜蘆

炙去頭各一兩

右四味擣合下篩和以十年苦酒頓丸如梧子若有下

者飲服三丸日三不知稍稍增之

出第十五卷中

集驗療下痢腸滑飲食及服藥皆完出猪肝丸方

猪肝

一斤熬

黃連

阿膠

炙

烏梅肉

各二兩

胡粉

七棊子

右五味擣下篩蜜和酒服十五丸如梧子日三稍加亦

可散服

葛氏文仲胡洽同肘後云亦可散服

出第四卷

千金療下痢絞痛腸滑不可差方

黃連

六兩

阿膠

鼠尾草

當歸

乾薑

各三兩

右五味切以酒七升煮取三升去滓溫分三服若熱不

絞痛去乾薑加當歸以水煮之

出第十五卷中

大注痢及赤白困篤腸滑方二首

深師卒大注痢及赤白滯下困篤欲死腸已滑方

乾薑

二兩生

黃蘗

石榴皮

各一兩

阿膠

二兩

淡豉

一升

前胡

四兩

右六味切以水三升煮取三合去滓內膠頓服不差更作無毒宜老小羸人稍稍服之此湯兼療傷寒大下及

按據上
方倍訛
倍訛

千金無加
字

赤白困篤亦皆主之出第二十六卷中

范汪療得病羸劣服藥不愈因作腸滑下痢膿血日數十行復中絞痛身熱如火頭痛如破其脉如瀉方

黃連四兩 苦參二兩 阿膠一兩

右三味咬咀以水一斗煮取二升去滓適寒溫服二合日三少少益至半升服湯盡者復合以愈為度曾試驗

古今錄驗同

忌猪肉冷水

痢兼渴方二首

病源夫水穀之精化為血氣津液以養藏腑藏腑虛受風邪邪人於腸胃故痢痢則津液空竭藏腑虛燥故痢而兼

渴也渴而引飲即痢不止翻溢水氣脾胃已虛不能尅消水水氣流溢浸漬肌肉則變成腫也出第十七卷中

必効療痢兼渴方

麥門冬三兩去心 烏梅二枚

右二味以水一大升者煮取強半絞去滓待冷細細咽之即定仍含之出第二卷中

古今錄驗療熱渴痢方

冬瓜一枚

右一味以黃土厚一尺火炮穩約以水爛去土淨洗絞取服之

許仁則痢方七首

許仁則云此病有數種有水痢有穀痢有血痢有膿痢有膿血相和痢者有腸辟痢其水痢者本由脾氣熱消穀作水穀氣不得消便生此痢穀痢者由脾氣冷穀氣不消而生此痢血痢者由毒熱在腹血流入腸致有此痢膿痢者由積冷所致膿血相和痢者由冷熱相擊便致此痢腸辟痢者由積冷在腸腸間垢涕不能自固便有此痢色數雖多其源則一皆緣飲食不節將息失宜也

又水痢之候心腹甚痛食無妨但食後即痢食皆化盡唯變作水穀無期度多食多下少食少下有此伏者宜依後

黃芩等五味散服之方

黃芩

黃連

黃蘗各五兩

黃耆四兩

龍骨

六兩

右藥搗篩為散以飲下之初服一方寸七日二服稍稍加至二三七服差乃止忌猪肉冷水等

又穀痢之候痢無期度食不消化腹痛每遇冷便發有此疾候者宜依後附子等五味散主之方

附子

炮

細辛

白朮

各五兩

乾薑

四兩

神曲

一升

右藥搗篩為散以飲下之初服一方寸七日再服稍稍

候字漫滅

加至二三七良。忌猪肉冷水生菜桃李雀肉等。又血痢之候小腹絞痛無期度食不住如水但兼血而下有此患者宜依後方。

東坡无方字屬下文為一條

犀角五味散方

生犀角末五兩 阿膠炙四兩 黃蘗四兩 艾葉

乾姜各三兩一作乾藍

右藥搗篩為散以飲下之初服一方寸七日再服稍稍加至二三七良

又膿痢之候腹亦刺痛食亦不大稀但大便兼膿遇冷而劇有此候者宜依後神麴等五味散服之良

麴末一升 乾薑六兩 丁香 豆蔻各四兩

高良薑五兩

右藥搗篩為散以飲下之初服一方寸七日再服稍稍加至二三七良

又膿血相和痢候食不甚稀每出膿血與食相兼腹亦小

痛有此候者宜依後黃耆等五味散服之方

黃耆六兩 赤石脂八兩 厚朴五兩 乾薑

艾葉炙各三兩

右藥搗篩為散以飲下之初服一方寸七日再服稍稍加至二三七良

又腸澼痢候食稀或稠便但似膿每便極滑痢有常期有如此者宜依後豆蔻子等八味散服之方

豆蔻子

丁香

各三兩

細辛

附子

炮

乾薑

各四兩

人參

黃耆

各五兩

赤石脂

六兩

右藥搗篩爲散以飲下之初服一方寸匕日再稍稍加

至二三匕良忌生葱猪肉冷水

又前件諸痢患無新舊如藥療之變差還發此卽縱以新藥止之終存其根本由腸胃中冷熱不調病根固結必須湯藥滌之以洩病勢痢後更以藥物補助之有此候者宜依後附子等六味湯以利之後服高良薑十味散以補之

附子

炮

細辛

甘草

炙

人參

各二兩

乾薑

三兩

大黃

五兩

右藥切以水七升煮取二升四合去滓分溫三服服如人行十里久一服此湯當得快利利中有惡物如魚腦狀或如桃李但異於常利勿悔之將息經三四日宜合後高良薑等十味散服之方

高良薑

細辛

黃耆

白朮

苦參

各五兩

丁香

二兩

人參

乾薑

各四兩

豆蔻子

三兩

赤石脂

六兩

右藥搗篩爲散以飲下之初服一方寸七日再服之稍
稍加至二三七並出上卷中忌生菜桃李雀肉等吳昇同

右廸功郎充兩浙東路提舉茶鹽司幹辦公事張寔

較勘

唐王勣先生外臺秘要方第二十五卷終

